

湖北府縣志輯

中國地方志集成

同治監利縣志
乾隆天門縣志

中國地方志集成

湖北府縣志輯 ④④

同治監利縣志

乾隆天門縣志

江蘇古籍出版社 ● 上海書店 ● 巴蜀書社

序

同治五年

棟

權監利適臺臣

議修通志檄屬邑各以方志

上

棟延邦人士詢之僉云邑

志闕修若干年矣梓本散佚

一

鮮有存者今謀增輯其難有三
兵燹以來公家簿書化為
煨燼安從裒輯難一也故家
大族圖史飄零耆舊淪亡考
獻徵文均之不足難二也鋒

鎬旱潦之餘民救死且不暇

募貲籌費雖戶說眇論庸能

有濟難三也棟亦謂是誠難

矣然及今不加賡續過此以

往茫茫墜緒殆將中斷伊誰

二

之咎歟諸君子無憚其難廣
為鳩集邑乘舊稿猶當可覓
輔之以通志郡志假典籍於
遠近訪故老所流傳網羅見
聞皆堪擲摭至於開局徵匠

但期濟事無需冗費似亦可
化難為易進以應當途之徵
索退以勒一邑之成書昔者
蒙穀獻典五官復治斯亦楚
先賢故事也諸君子豈無意

三

乎於是僉應曰然棟乃定議
以載筆屬朱桂林茂才游慎
陔孝廉其他叅編纂預校讐
專採訪者必其通雅廉正始
行推舉部署略定棟適受替

將去至者為毓才徐刺史棟
因以屬之刺史亦踵行開局
至今年春監利人士以書貽
棟謂邑志脫稿已及授梓茲
事權輿實發自公請冠之以

四

序棟欣然曰成矣乎諸君子
不畏其難竟底於成豈不賢
哉急取閱之則數十年往事
旁搜遠紹罕有闕遺至近事
則戡難之略節烈之概丈量

之舉宣防之役靡不條貫統
飭臚列井井因歎圖事而不
以難自阻未有不藏厥成者
伐山者開闢於鳥道蠶叢極
天梯石棧之艱卒能化嶮巖

五

為坦途鑿渠通漕者剝疊嶂
摧峭壁燔林燒石千夫赭汗
卒使湍瀨殺怒舳舻銜尾此
皆成之極難者茲志之成亦
其驗已棟嘉諸君子之勇且

勤因援筆書諸簡端
同治十一年歲次壬申孟春
月前任監利縣知縣陳國棟
郁庭氏謹序

六

序

兆英不敏攝官承乏於茲邦道
前令尹陳君郁庭倡續修邑
乘之舉已立局籌款而路采
訪延邑中朱桂林茂才游慎

一

陝孝廉司馬東輯兆英又延
朱吉階廣文程南溪明徑廖
錦城孝廉龔子定貳尹相與
搜采編纂草創畢以授主事
部子壽決擇增省焉而余得

總其成事詮次論定之凡閱
月勒為成書以待剞劂人
謂兆英宜為之序則謹序之
曰志之善者其大法有三焉
一曰典紀綱羅浩博之謂也必

二

也徵引援據皆取經史子集
記之其裨販小說毋得參焉
是之謂典一曰核因革利病之
端皆洞達古今賅括本末昭
然得失之林彰明鏡當前物

無遁形也是之謂核一曰無私
志與史同而流異雖有褒無
貶然書事宜直不得任好惡
為毀譽不得徇偏黨立門戶
悉出於公之見酌以公當之

三

論是之謂無私今茲纂次惟求
無戾於三者之法是也抑又
深究節邑之俗民勤耕織士
崇儒術愿而不悍質而少偽
條教所頒風流令行誦為易

治然自數百年來係邑利害
最鉅者無如江防至今未有善
策也壤居卑下川湖陂澤貫
臨胸脅外環以大江所託命者
惟隄防無歲不有版築之役

四

又川南交匯適值衝衝以多
沙易圯夏漲驟至風浪橫噴非
人力所能捍禦明知隄不足敵
水而田廬人民舍隄更無可
依雖竭手足罄貲財不顧也

嗟乎此豈長策哉誠得江流
順軌川湖陂澤不至泛溢高
原下隄杭福連雲桑麻蔽野
其饒沃可數倍旁邑夾使以
屢聖之後行易治之化民安

五

聖皇繼序有過成康湛沈澹災
而吏逸其章當何如哉方今
感名祥和吾見苦邑且將變
澤國為樂土自今以始歲至
有矣是書也成辱當升簡

特舉江防詳言之者以平察
邑利害最鉅也他端免有統
飭分爲門者十有二門左附
耳目右抵禦當稽典核無私
之大法而已規之繁簡有不

六

論知監利縣事江都徐兆英
毓才氏撰

瑞枝承乏茲邑始下車則巨浸稽天江決下鄉隄邑境淪胥者殆十之八九潦退具牒請于大府重議修築符下得撥款三萬緡又募之境內捐數畧如之乃衝冒風雪相視險易計尋丈督

一

役徒興版築准式程往來董率次年春役竣堅厚有加是歲江怒少殺加意防護隄以不敗竟獲有秋乃乘暇日修舉廢墜其祠廟載祀典而頽圯剝落者次第新之惟志乘未梓蓋前令陳

郁庭刺史始倡其議至徐毓才刺史編輯畧畢則朱桂林茂才游慎陔孝廉所纂次而王子壽比部貫穿兩家以成之者也因費絀致寢閣瑞枝謂此乃舉百年墜典業賡續有成矣豈可中

二

道而止哉即移他款以作梓費延王比部及游慎陔孝廉朱心齋明經彭丹厓李翼雲兩茂才重為商推擇日開局徵匠鏤板會受代且行即諠諠屬松圃陳君為之藏成未幾都人士書來

云剗厠將竟乞賜弁言瑞枝謂
邑之要領無過志乘志乘舉邑
之政亦舉矣又謂宰監利不難
於治民而難於治隄隄治則田
畝賦稅從之而治至於條教所
頒勸懲所及不煩道鐸下令如

三

流水之原矣以其民愿而士皆
自愛也瑞枝蒞事且兩載媿無
異績以慰父老今為舊令尹矣
而士民猶拳拳見思不置即瑞
枝亦低徊不忍忘也自今以往
綰綬而來者皆卓魯之流必能

網緜桑土益鞏金隄變沮洳為
膏沃釀風雨以和甘崇墉比櫛
若昔日豐樂蕃昌氣象巍科臚
仕者亦蒸蒸如雲而起敏農蒸
髦相與飲和食德涵濡於
聖朝恩澤之深斯又瑞枝所遙為引

四

領冀望且欣且慰者也適因徵
序遂書以應

黔陽林瑞枝墨香甫譔



縣志總序

同治壬申春樹菱奉檄權監利
既視事而邑乘告成且開雕矣
邦人士徵余為弁簡之文閱之
則始創議者前令尹陳郁庭刺
史也筆諸書者徐毓才刺史也

一

籌梓費者林墨香太守也三君
者任其勞矣樹菱何功之有雖
然繫官於此固宜有言今夫邑
志之體合治道民風而一之者
也而治道之因革損益與其剛
柔先後實視民風以為酌劑是

故圖政未有不協於地宜於俗
而可言善政者蓋要領在乎方
志矣樹菱甫入疆利弊大端猶
虞茫昧急宜稽之志乘乃得津
導譬射者必求儀的御者必遵
軌轍譬窺形鑒貌舍明鏡何以

二

別妍媸譬中夜行暗谷屏去炬
火則顛踣不暇安能取道致遠
故曰前事之不忘後事之師也
稽之志乘矣然後加以躬親歷
覽專其神明殫其思慮設誠而
致行之或者少過舉乎吾聞茲

邑素稱沃壤往乾嘉時原陞龍
鱗五穀垂穎桑麻敷榮號為畝
收一鍾又前明時魏科上第高
秩崇班軫接鑣聯不啻里名冠
蓋近自兵燹水潦以來茶然凋
圯矣夫無平不陂者運之替也

三

由剝而復者機之轉也天不忍
此一方民久困沮洳則必使土
返其宅水歸其壑錫之以多黍
多稌戴白垂髻悉含和而吐氣
俾長吏亦得以優游布化從容
漸摩風俗益茂人才益盛科名

宦業爛然若霞蔚雲蒸竊意茲
邑之歌樂土躋春臺者其將自
今以始乎序成願與邦人持是
言為之驗

時同治十一年三月

署監利縣事蜀東陳樹菱謹序

四



原序

修志與修史同乎曰不同史以通紀天下之故別其
要否則汗牛充棟燕穢貽譏矣志爲專紀一方之舊如
一家冊籍某田某廬日記月登使後人一見可知不致
歎荒忽無憑已耳故志者所以備史之遺史者所以彙
志之成體不同也然至於公是非核事實慎去取則其
致一也監邑邑乘修於明者一在正統一在萬歷閱七
十餘年邑罹兵火老成既謝舊簡無稽翰苑潘先生乃
搜羅殘帙探訪遺逸拮据歲餘乃有成書關中藺侯授
之剗剗當時二公皆有竹帛煙銷之憾卽欲廣收博攬
監利縣志卷之一

原序

其道無由然自載筆而後起庚寅暨壬戌三十餘年物
換星移凡地利之盈虛人事之因革祀典之崇替賦稅
之輕重政治之張弛天地之災祥賢才之升進詩文之
煥著使過於日者不登於書則前者已莫救其荒忽而
後者又將不免於闕畧邑

大父母程公蒞治之四年修廢舉墜庶政就理惓惓以
邑志爲念咨於薦紳師儒不以三弁鄙謬相推舉俾與
同里程君南伊共圖修輯三因而思之昔司馬溫公
著通鑑以書局自隨遍閱舊史旁採小說抉摘幽隱計
較毫釐又參評羣書考其異同合三百五十四卷以成

一家之言又嘗觀春秋一書微文大義炳若日星然同
無左國等紀事之書則其事且有不可曉者況其義可
得而求乎禹貢集九州之形勢壤賦該之一千一百八
十餘言中憶當時必有圖籍全書如所謂墳典邱索者
惜壁間不及多藏遂使古今邈若天淵今一邑雖小亦
當有山川人物財賦風俗之實錄以俟史氏之採擇者
三以寡聞渺見備野史之一語質而不妄事確而不誣
舉之今日婦人孺子能言之傳之他日昭信垂遠當有
一得於是不辭固陋述所見聞近而耳目眾著者直錄
之遠而前志未備者參稽而補葺之分彙爲十卷草創
監利縣志卷之一

原序

二

已具郵致

程君討論修飾共質之邑大父母筆削訂正雖較之
他罷邑之完書詳畧遠不相逮以爲監邑舊文闕失之
餘踵事增華畧補其所未備則亦聊以成一方之紀載
云

告

康熙二十一年壬戌歲仲冬月邑人曾三壽拜手識於
九谿之新安署中

原序

吾人載筆之事苟可以已於作者不敢妄爲如太元之於易曲臺之於禮古人且無以自解況其餘乎志之繫於邑治邑者將於此識要焉文獻之所不得闕者也取一方之政治風物人事地利以時記之用以稽邦國之圖籍而俟太史之輯採者也

監利志自壬戌歲前令欽之繡中程氏纂而輯之

本朝數十年之未有一時同寮暨邑中數君子相與贊其事井然成書矣當日廣詢故老博搜遺編溯建

監利縣志

原序

三

置之原察星辰之次綜山川之要會正疆隅之道里首方輿者昭所自示所守也城池保障之所寄公解政令之所出泮宮高祀教化之所興也尊

聖代之禮樂制度則營建學校重焉下所奉上者唯正之供曰賦曰役毫釐辨之微會期之風土以知民之好惡荆南禹貢之所奄人勉急公家無殊俗大一統也其爲

天子分理斯土者職官也有任重責重之義焉有同寅協恭之雅焉峴碑桐祀奕奕乎美之在前睹宦蹟知所儀刑矣若夫進賢興之盛攬人文之秀勲名

光於竹帛精言壽於羹鼎幽而房闔之淑行小而寫物之逸句曰選舉曰人物曰藝文中靡弗逮極彼莘莘討求數卷之內豈有所遺畱以冀後人之贊一辭者雖然好臆說而故增之華者其失謗也而紀載之疎略又未免與荒蔑同識矧壬戌距今已二十年繡中後邑中得失廢興之故所見異辭所聞異辭苟非傳信徵疑畱前此之故事待論定於將來安知不久而湮也且余之皇皇於此而不能已者匪直備觀覽云爾也監利濱江窪區廣袤百餘里民居其間率與水爭壤堤防之役耕耘織作外歲多一勞也租稅衣食外歲多一費也雖億極終不少省撫字者勢不得不與共焦勞也得是邑之民而治思有以休息之可無道哉吁志在目瘡痍矣志在心心痼痼矣

康熙四十一年歲次壬午十有一月長至後五日賜進士出身文林郎知監利縣事雁河郭徽祚彥卿氏題於本署之自訟堂

監利縣志

原序

四

原序

日月運於上江河流於下萬物去故而就新不有紀載幾同鴻濛遂使龍首蛇身斷鰲煉石之說存而難削卽紀載矣而不續不勒移踵爲惠詵亥作家誤後人之流覽者何限故

朝廷專職太史日有註月有書直省郡邑志卽史也雖無專設甯非當時之先務哉監邑雖夙稱澤國爲荆岳扼要志乘烏在可略裴李以前旣無全書迄乎簡侯之修時序亦已遙矣簡嚴不愧董狐前任程侯搜故家所藏前代舊志証以萬歷間罷志

監利縣志

卷之一

原序

五

方稱大備惜續敘人物諸傳華而不核我大父母郭公以聖賢君子之學濟以直大剛方之度盤根錯節不鄙棄吾邑念念可以對越神明利弊興除之餘進邑人士而議曰勿謂邑乘末也勿謂廿年邇也川原之淤沉幾何戶口之增減幾何人物之顯晦幾何官師之遞代幾何節義久著或因耆年而未登泮水警予迫至丙子而獨甚孺子滄浪之歌邇來豈無再鑒學士香草之韻目下或關採風用是纂輯無遺更進人士於城隍祠曰去偽留真庶不失春秋微意俾人知令聞廣譽足以施身垂

遠少爲瞻徇乃刊名典冊者奚寡也公是公非爾邑人士與神與予共之其刪其存一時皆嘆公能無我而急先務也噫公獨先務之急耶九載勤勞吾邑如調五味甘苦飽飫矣如張七絃緩急頓解矣如倉公視疾氣脉之清明臟肺之隱惡無遁矣如扶筇而陟巘不律以水掛帆而泳海不膠於陸矣取身所歷目所擊心所營以繪成全志若指諸掌惠來者以永惠吾邑非聖賢君子之用心孰能如此

賜進士第原任貴州永甯州邑人劉鴻誥具稿

監利縣志

卷之一

原序

六

凡例

一 地志以疆域爲重九州各有分星豈得專主一邑故
統之於方輿姑以備占驗耳不敢繁徵博引致複通
志

一 監利嘗爲侯國又嘗升爲郡矣或分而爲華容監利
豐都或分而爲監利玉沙或屬南郡或屬巴陵或屬
復州割隸無常華離不定頗難稽核今悉据各史地
理州郡志爲證庶免龐雜

一 監利有秋糧夏麥正銀漕米四者之稱糧麥則田賦
正銀則地丁漕米則南北漕米也在明中葉有藩王

監利縣志

卷之一

凡例

七

奏請之田輸賦王邸或無田而強徵糧或割田隸王
府而賦仍徵之民田又有九釐銀更名銀各色目一
切併之田賦民閒茫無以辨不勝其困

國朝雖經釐革然未盡除重以水潦相仍逋賦始多今攷
其增省升降之數著之於篇欲覽者開卷瞭然雖繁
重不敢避也

一 名宦人物均守生不立傳之例免涉瞻徇

一 監利志乘久未續纂中閒文獻不無闕漏故於舊志
非甚紕繆者卽行采輯與其數典而忘何如過而存
之

一 準漢書及隋唐藝文志之例但當載撰著目錄此法
施之通志則可若用之一邑則所取隘矣茲者編輯
凡詩文各分體錄其篇章操土風而不出鄭志或亦
通人大雅所見許也

監利縣志

卷之一

凡例

八

原纂修姓氏
明

正統

鄭崇邑令

裴綸邑賢

萬歷甲戌

李純樸邑令

李桃邑賢

國朝

順治壬辰

監利縣志卷之一

姓氏

九

蔺完煌邑令

潘世標邑賢

康熙壬戌

程藻邑令

曾三壽邑賢

程之洛

康熙壬午

郭徽祚邑令

易言翼邑賢

劉鴻誥

楊運昌

張逢吉

程之洛

吳鎬

曾九壽

聶裕

陳旭善

王學鏊

劉鴻謙

龔啟正

監利縣志卷之一

姓氏

十

曾紀常

戴儼

郭士楮

吳仕朝

楊自欽

龔承助

朱士煥

曾允開

龔啟詒

彭濟元